

pas et que plusieurs pourront bien Languir tout L'hyuer. presque tous ont engagé tout ce qu'ils auoient de porcelaine de Colliers, de Canons de raffades Douurage de porcépy de fusils de Coutelas pour auoir quelques hardes pour les couurir dans le tremblement de leur fieure ie me suis engagé pour ceux a qui ie nay peu refuser ce foulagem<sup>t</sup>, et vous me mendez que vous mauez encore engagé de cent francs en france; ie croy que sy vous auiez feu L'Estat pitoyable de n<sup>re</sup> Mission vous [ne] mauriez aucunement en depty, tout le monde icy generalmente porte compassion a n<sup>re</sup> Mission, parceque quoy que les françois et les autres sauuages ayent esté attaquez de maladie: le nombre de nos malades et la Longueur de leur maladie surpasse le reste. dans toute cette defolation qui ma paru d'abord deuoir quasy destruire la mission ie puis vous dire mon cher Pere que iay commencé a faire prendre a nos sauuages le tout du Costé de Dieu; et a toutes leurs familles qui estoient dans L'affliction tous vniuersellement mon fait paroistre vne resignation totale a La volonté de Dieu; et ie crois que si ie raportoys en particulier les actes de patience de Conformité et d'Amour de Dieu que iay veu faire a vn Chacun, Cela paroistroit Incroyable en france, ie ne dis pas de douze ou de vingt<sup>t</sup>. malades seulement mais generalmente de tous. il est vrai quil y en a qui en faisoient de plus heroique. Lvnique chose en quoy ils mont donné de La peine cest que plusieurs a mon Inscu d'abord que La fieure relaschoit vn peu se traifnoient a mon Inscu Iusqua L'Eglise dou ils estoient assez esloignés, et se trouuant plus mal a L'Eglise, ils ne sen retournoient qu'a peine leur fieure redoublant deux choses les ont